

# 《周易》「勿用」解

## ——《經義述聞》經學廣要系列第一\*

張其昀\*\*

### 摘要

王引之《經義述聞》認為：《周易·乾》之「勿用」，謂無所施行也，非謂不在揲著所運用之列也。《師》、《頤》、《坎》、《既濟》等卦之「勿用」，皆如此。本文就王氏之說揭明要義，且據其要義推廣而論之，從而證成其說。

關鍵字：《乾》之「勿用」 無所施行 《周易》 《經義述聞》

---

\* 本文承蒙匿名審稿專家提出許多寶貴意見，謹致謝忱。

\*\* 張其昀，揚州大學文學院教授。

# Analysis of “wuyong” in the *Zhouyi* —*Jingyi Shuwen*, the First one of Extension Series of Confucian Classics

Zhang Qi-Yun

## Abstract

*Jingyi Shuwen* written by Wang Yin-zhi thinks that: the words 「wuyong (勿用)」 in *Qian* (乾) of *ZhouYi* means doing nothing, not meaning beyond the range of the use of 「She Shi」. It is also true to the words 「wuyong」 in *Shi* (師)、*Yi* (頤)、*Kan* (坎) and *Ji Ji* (既濟) hexagrams. This paper revealing the essence by said of Wang, and according the essence to promote it, thus prove the said.

**Keywords:** 「wuyong(勿用)」 in *Qian*(乾), doing nothing, *ZhouYi*(周易), *Jingyi Shuwen*(經義述聞)

高郵王念孫、王引之父子之學術成就雖主要在於小學方面，然亦涉及經學。其小學成就，有清一代，堪稱獨步；經學成就，亦達到相當高的水準。王氏父子的經學成就，集中體現於《經義述聞》之中。今選取《經義述聞》中關於經學的部分條目，就其要義以「廣要」推廣而論之。

謀劃中「廣要」有多篇，此其第一，內容關涉於《周易》之〈乾〉、〈師〉、〈頤〉、〈坎〉、〈既濟〉諸卦中之「勿用」。《周易》，採用魏王弼韓康伯注、唐孔穎達等正義《周易正義》本，見載於阮元校刻《十三經注疏》<sup>1</sup>。《經義述聞》，採用王氏家刻道光七年重刻本之影印本<sup>2</sup>。文中援引《周易正義》的內容與《經義述聞》的條目，均以圓括號標出頁碼及其欄位。

### 乾師頤坎既濟言勿用（3，上）

〈乾〉初九：「潛龍勿用。」惠氏定字《周易述》曰：「大衍之數，虛一不用，謂此爻也」；引荀爽注「大衍之數五十」云：「潛龍勿用，故用四十九。」【正義引荀爽曰：「卦各有六爻，六八四十八，加〈乾〉、〈坤〉二用，凡有五十。〈乾〉初九「潛龍勿用」，故用四十九也。」】**家大人曰**：荀意謂〈乾〉之初爻言「勿用」，故不在所用之列。**案**：〈坎〉之六三，亦八純卦之一爻。其辭曰：「來之坎坎，險且枕。入于坎窞，勿用。」與〈乾〉之初爻言「勿用」同，何以不在不用之列？荀說殆不可通【**引之謹案**：荀以用九用六備四十九之數，亦不可通。用九用六，統〈乾〉、〈坤〉六爻言之。昭二十九年《左傳》：「《周易》有之，在乾之坤日，見群龍無首吉。」杜注曰：「〈乾〉六爻皆變。」是也。何得以用九用六與每卦之六爻並數乎】。惠氏不能釐正而承用之，非也。」**引之謹案**：用者，施行也【《說文》：「用，可施行也」】。勿用者，無所施行也。〈文言〉曰：「潛之爲言也，隱而未見，行而未成，是以君子弗用也。」正謂君子不施行也。孔穎達正義曰：「聖人雖有龍德，於此唯宜潛藏，勿可試用」；引張氏曰：「以道未可行，故稱『勿用』以誠之。」其說是也。竊嘗由是而推之：〈師〉上六：「大君有命，開國承家，小人勿用。」言小人處上六之位，惟當自守，不宜有所施行。有所施行，則必至於亂邦也【**據李鼎祚《周易集解》所引干寶注**】。故〈象傳〉曰：「小人勿用，必亂邦也。」〈既濟〉九三：「高宗伐鬼方，三年克之。小人勿用。」言小人處九三之位，不宜有所施行。有所施行，則必至於喪亂也。〈大有〉九三曰：「公用亨于天子，小人弗克。」文義與此正相近也【〈象傳〉：「公用亨于天子，小人害也。」正義曰：「小人德劣，不能勝其位，必致禍害」】。〈頤〉六三：「十年勿用，无攸利。」言拂養正之義，則不能有所施行，至於十年之久而猶然也。〈坎〉六三：「來之坎坎，險且

<sup>1</sup> 魏·王弼、韓康伯注，唐·孔穎達等正義：《周易正義》（北京：中華書局，1980年）。

<sup>2</sup> 清·王引之：《經義述聞》（南京：江蘇古籍出版社，1985年）。

枕。入于坎窞，勿用。」言當重險之地，進退皆危，唯當靜以待之，不可有所施行。猶〈洪範〉言「用靜吉，用作凶」耳。解者或謂「小人勿用」為「勿用小人」【〈師〉正義】，「十年勿用」為「見棄」【王注】，「入于坎窞，勿用」為「不出行」【正義】，皆與〈乾〉初九之「勿用」義例參差。蓋未嘗比物醜類以求之也。

## 廣要

### 〈乾〉初九：「潛龍勿用。」

〈文言〉曰：「初九曰『潛龍勿用』，何謂也？子曰：『龍德而隱者也。不易乎世，不成乎名，遯世無悶，不見是而無悶。樂則行之，憂則違之，確乎其不可拔，潛龍也。』」（15，下）「不易乎世，不成乎名」，謂不因世俗而易其德，不求成就其功名；「遯世無悶，不見是而無悶」，謂隱遁而未嘗愁悶，不被社會認可而未嘗愁悶。「樂則行之，憂則違之」，謂樂吾道可行則推而行之，憂吾道不可行則藏而避之。龍乃神物，靈變不測，升降有時，故以象乾道變化也。〈乾〉卦䷀由〈坤〉卦䷁漸變而來。六爻皆變，初九是變的第一爻，即〈坤〉下生一陽為〈復〉䷗，卦圖為一陽上有五陰。用，王氏釋以「施行」也，亦即「有所用」、「有所作為」的意思。太陰方盛，一陽初復，陽勢甚弱而未振，猶神龍潛伏於深淵之下，自當無所行動。北宋程頤《周易程氏傳》卷一曰：「初九在一卦之下，為始物之端，陽氣方萌，聖人側微，若龍之潛隱，未可自用，當養晦以俟時。」<sup>3</sup>是也。就此初九爻象，司馬光《溫公易說》卷一稱：「其言「勿用」何？聖人觀象而為之戒也。潛龍之時伏于泉，不可用也。冬華而雷，為妖為災，人躁而狂，為凶為殃，皆時不可用而用之也。」<sup>4</sup>居此潛龍勿用之時勢欲遽遂其風虎雲龍之志，是即「躁而狂」也，必「為凶為殃」。說者論「勿用」多以舜耕稼陶漁之日比擬之，南宋李杞《周易詳解》卷一即謂：「『勿用』者非無用也，能為可用而不能使人必用，此舜在側微之時也。」<sup>5</sup>舜在那父頑、母嚚、象傲的家庭情勢下，惟知烝烝以自治，使其不至於姦而已，豈蘄堯能聽于己而施其德於天下乎！傳說之築岩，伊尹之耕野，呂望之釣渭，乃至顏子之處陋巷，是皆大賢側微，皆「潛龍勿用」之所可為喻也。聖賢之涉世，觀時而進退，是能合於道。〈乾〉之初九曰「潛龍」（13，上），九二曰「見龍在田」（13，中），九五曰「飛龍在天」（14，上），是即進退而合於道之大義也。古人有云：窮則獨善其身，達則兼濟天。「窮」即退也，「達」即進也。「窮」時而不謀「兼濟」，是亦「潛龍

<sup>3</sup> 宋·程頤撰，王鶴鳴、殷子和整理：《周易程氏傳》（北京：九州出版社，2010年），頁1。

<sup>4</sup> 宋·司馬光：《溫公易說》，收入《四庫全書》（上海：上海古籍出版社，1987年），第8冊，頁569，上欄。

<sup>5</sup> 宋·李杞：《周易詳解》，收入《四庫全書》（上海：上海古籍出版社，1987年），第19冊，頁352，下欄。

勿用」之義也。總而言之，〈乾〉初九「潛龍勿用」之「勿用」，謂（潛龍）無所作為。苟爽之意，謂「不在所用之列」，即（其爻）不在揲蓍所運用之列。苟爽當屬曲解。承用苟爽之說者非止惠棟一人，皆誤矣（後世以「勿用」為不在揲蓍所運用之列者，其說亦大多可質疑）。

### 〈師〉上六：「大君有命，開國承家，小人勿用。」

魏王弼注：「（上六）處〈師〉之極、〈師〉之終也。大君之命，不失功也。開國承家，以寧邦也。小人勿用，非其道也。」（25，下）孔穎達正義：「大君有命者，上六處〈師〉之極，是〈師〉之終竟也。大君，謂天子也。言天子爵命，若其功大，使之開國為諸侯；若其功小，使之承家為卿大夫。小人勿用者，言開國承家須用君子、勿用小人也。」（25，下）是皆以「任用」解其「用」字。而據王氏所引唐李鼎祚《周易集解》，干寶則以「小人不宜有所施行」解其「小人勿用」，即以「施行」解「用」字。今案：此爻為師還天子賞功之象。《子夏易傳》卷一曰：「〈師〉之終復於大君者，居天下而無私。故誓師曰：『用命賞於祖，不用命戮於社，功存社稷之公也，天下共之。』有開國而封之者、承家而食之者，此功之分也。王執而正之，非惠之私也。小人不原於天命，不足於貴位，故至亂邦。」<sup>6</sup>所謂「正之」，義即論功行賞，不僭賞。所謂「不原於天命」，義即不知人事之源自天命。唐人史徵《周易口訣義》卷一：「若小人有功，但錫之金帛，不可任之以位。」<sup>7</sup>意謂小人雖有功，亦不可封之公侯，爵之卿大夫。北宋倪天隱《周易口義》述其師胡瑗之說，卷一解《乾》初九「潛龍勿用」，謂「若用小人，必亂其邦。所以韓彭英盧立功受地，不旋踵而就戮也」；卷二解此卦上六，亦謂「若小人，得一小功則希其大賞。使之在高位必生驕慢，驕慢生則覬覦之心熾」<sup>8</sup>，云云。是亦皆以「任用」解其「用」字。朱熹《周易本義》卷一解「小人勿用」曰：「戒行賞之人於小人則不可用此占。而小人遇之，亦不得用此爻也。」<sup>9</sup>是略如苟爽之解「潛龍勿用」之「用」，今語「採用」的意思。今案：〈師〉卦䷆上六以陰居柔，德稱其位，為君子之位；上六本在上卦坤，又乘乎下三爻的互坤之上，坤為土，是為開國承家之象。六三以陰居剛，德不稱位，與上六不應，為小人之位。下卦坎為險，上六無應，君子有德，雖行險而順；小人則當藏其點慧、收其技長，但求自保而無所施行。對於天子賞功，如上引史徵說，認為「不可任之以位」。說者或以此爻議漢光武帝懲高帝用韓彭英盧之故事而不廣任功臣，如南宋朱震《漢上易傳》卷一：「光武中興，臧宮馬武奉朝請而已，得此道也。然寇鄧諸賢

<sup>6</sup> 載於周·卜子夏：《子夏易傳》，收入《叢書集成初編》（北京：中華書局，1991年），頁19。

<sup>7</sup> 載於唐·史徵：《周易口訣義》，收入《叢書集成初編》（北京：中華書局，1991年），頁10。

<sup>8</sup> 宋·倪天隱：《周易口義》（長春：吉林出版集團有限責任公司，2005年），頁7，上欄；第56頁，上欄。

<sup>9</sup> 宋·朱熹：《周易本義》（長春：吉林出版集團有限責任公司，2005年），頁23，下欄。

無尺寸之土，亦過矣。」<sup>10</sup>這裡，賞功關涉賞爵位名號與賞封邑土地這兩個方面的問題。然而，立功者，或以勇力，或以智謀，無分賢佞。賞功者，公道也，當一視同仁，君子小人無擇焉。諸家關於賞功而於君子小人各有以處之之論，皆無當矣。查南宋俞琰《周易集說》卷二曰：「小人勿用，謂小人得此占，則不宜動而用事也。」<sup>11</sup>是以「不宜動而用事」解「勿用」。「動而用事」即「有所施行」也，是解適上而可輔干寶之說，下而可證王氏之說，信矣。

### 〈頤〉六三：「十年勿用，无攸利。」

〈頤〉：「貞吉，觀頤，自求口實。」〈彖〉曰：「頤貞吉，養正也。觀頤，觀其所養也。自求口實，觀其自養也。」（40，下）全卦大旨是講的頤養之道。六三爻辭「十年」之前尚有「拂頤，貞凶」四字。今案：拂，違也。貞，正也，頤養正則吉。頤養之道，宜靜而不宜動，靜為正。〈頤〉卦作䷚，震下艮上。震是雷象，艮是山象，震動而艮靜，故下三爻皆凶，上三爻皆吉。上九剛爻，為〈頤〉卦之主，養人者之象也。六三陰柔，不能自養，必求養於陽剛。六三雖與上九為正應，然為下震之上爻，動極之象，有違於頤養正道，雖恃應而往求，然終莫之與。是雖得正應猶凶，故曰「拂頤，貞凶」（惟因六三為動極之象，故其凶於下三爻中為最）。程頤《周易程氏傳》卷二曰：「頤之道，唯正則吉。三以陰柔之質而處不中正，又在動之極，是柔邪不正而動者也。其養如此，拂違於頤之正道，是以凶也。」<sup>12</sup>大意是也。既拂養正之義，故不能有所施行。以今語比喻為說，既已違背了頤養原則，那就拿不出什麼頤養的高招。六三求養於上九，六三上體為互坤，坤數十，謂「十年勿用」者，以是也。「十年勿用，无攸利」，意當謂十年不能有所施行，若有所蠢動，亦無所得利也，是徒勞。《周易程氏傳》卷二解「十年勿用」曰：「十，數之終，謂終不可用，无所往而利也。」<sup>13</sup>「用」字究竟何指，程氏無說。依愚意，如是，則六三爻辭就是永遠不能有所施行的意思了。六三之〈象〉辭曰：「十年勿用，道大悖也。」（41，上）何以言「大悖」而不僅是「悖」？六三為「動極之象」，而非一般的躁動之象；而其所於求養之上九為艮體上爻，居止之極，為靜極之象，兩「極」之悖，豈不「大」矣！再者，六三以陰居剛，「處不中正」；上九雖為卦之主，然以陽居柔，本亦非正位，是亦為悖。試以六四為比，六四下應於初九，二爻皆正位，故吉（六四爻辭曰「顛頤吉」（41，上），「顛」，倒也，當指下應。上應為順）。魏王弼注「十年勿用，无攸利」曰：「處頤而為此行，見棄者也。」（41，上）其說不可從。南宋俞琰《周易集說》卷五解「十年勿用，无攸利」曰：「謂十年之久，並不可動，

<sup>10</sup> 宋·朱震：《漢上易傳》（長春：吉林出版集團有限責任公司，2005年），頁35，下欄。

<sup>11</sup> 宋·俞琰：《周易集說》（上海：上海古籍出版社，1990年，與《讀易舉要》合刊本），頁13，下欄。

<sup>12</sup> 宋·程頤撰，王鶴鳴、殷子和整理：《周易程氏傳》，頁106。

<sup>13</sup> 宋·程頤撰，王鶴鳴、殷子和整理：《周易程氏傳》，頁108。

動亦無所利也。」<sup>14</sup>其「動」即「有所施行」也。元吳澄《易纂言》承前人之說而明確地將《易》之所有卦爻辭分為兩類（以卷一〈頤〉卦為例）：一類是「象也」，指描寫和象徵之辭，如解「拂頤」曰：「象也。六三與上九應，拂摩以求養於上者也」；一類是「占也」，指斷定吉凶可否之辭，如解「貞凶」曰：「占也（下略）」。其解「十年勿用」曰：「占也。用謂用此占而有為也（下略）。」<sup>15</sup>雖然其解釋體系與筆者有異，不過其「有為」義則與「有所施行」無異。是王氏之說有所自來矣。

### 〈坎〉六三：「來之坎坎，險且枕。入于坎窞，勿用。」

魏王弼注：「既履非其位而又處兩坎之間，出則之坎，居則亦坎，故曰『來之坎坎』也。枕者，枕枝而不安之謂也。出則無之，處則無安，故曰『險且枕』也。來之皆坎，無所用之，徒勞而已。」（42，下）唐孔穎達正義：「出則無應，所以『險』；處則不安，故『且枕』也。『入于坎窞』者，出入皆難，故入于坎窞也。『勿用』者，不出行。若其出行，終必無功，徒勞而已，故〈象〉云『終無功』也。」（42，下）今案：〈坎〉卦作☵，上下卦皆為坎。坎為險象。作為上下卦相同的純卦，〈坎〉又稱〈習坎〉，孔氏正義：「習有二義。一者，習，重也，謂上下俱坎，是重疊有險。一者，人之行險，先須使習其事，乃可得通，故云習也。」（42，上）當以「重也」為是，故〈彖〉曰：「習坎，重險也。」（42，中）爻辭「枕」字，解尤分歧。王弼解作「枕枝而不安」（42，下）之外，吳人虞翻解作「止也」（見李鼎祚《周易集解》卷二十九<sup>16</sup>），唐人史徵《周易口訣義》卷三解作「不安之貌」<sup>17</sup>，北宋蘇軾《東坡易傳》卷三解作「所以休息也」<sup>18</sup>，程頤《周易程氏傳》卷二解作「支倚」（支持倚靠，即憑藉也）<sup>19</sup>，南宋張浚《紫巖易傳》卷三則解作「安也」（謂「於險安之曰險且枕」）<sup>20</sup>。言人人殊，甚至有截然相反者。細案之，「枕」，《說文》：「臥所薦也。」即枕頭，蘇軾之解淺而近之；程頤之解，則其引申之義，於爻辭義較為貼近——其語謂：「居險而支倚以處，不安之甚也。」六三居下坎，居坎貴能出，然六三又為互艮之下爻，艮，止也，是則重險之中復有止礙之者，故終不能出，只能困而自守。是「支倚以處」猶謂困守以處。以「困」釋「枕」，方契乎《易》理。王弼注之「出」即「之」也，猶「進」也；「居」即「來」也，

<sup>14</sup> 宋·俞琰：《周易集說》，頁38，下欄。

<sup>15</sup> 元·吳澄：《易纂言》，收入《四庫全書》（上海：上海古籍出版社，1987年），第22冊，頁444，下欄。

<sup>16</sup> 唐·李鼎祚《周易集解》（北京：九州出版社，2003年），頁275。

<sup>17</sup> 史徵：《周易口訣義》，頁34。

<sup>18</sup> 宋·蘇軾：《東坡易傳》（長春：吉林出版集團有限責任公司，2005年，與《橫渠易說》合刊本），頁54，下欄。

<sup>19</sup> 宋·程頤撰，王鶴鳴、殷子和整理：《周易程氏傳》，頁116。

<sup>20</sup> 宋·張浚：《紫巖易傳》，收入《四庫全書》（上海：上海古籍出版社，1987年），第10冊，頁94，上欄。

猶「退」也，其解「來之坎坎」是矣。上六以陰居柔，與六三不應，孔穎達正義「出則無應，所以險」（42，下），說亦是也。惟二家解「枕」字，一則枝蔓，一則含糊，皆未能的中。「入於坎窞」，謂深陷坎險之中。六三變，〈坎〉之〈井〉䷯。井者，坎之深者也。《周易程氏傳》卷二謂：「（六三）所處如此，唯益入於深險耳，故云『入于坎窞』。」<sup>21</sup>其說良有以也。常語說：識時務者為俊傑。涉重險之地，惟當不為，靜以待時，當如王念孫之所云。孔氏正義以「出」與「處」對待而言，猶以「出行」與「居處」相對待，其所謂「不出行」自非經意也。

### 〈既濟〉九三：「高宗伐鬼方，三年克之。小人勿用。」

魏王弼注：「處既濟之時，居文明之終，履得其位，是居衰末而能濟者。高宗伐鬼方，三年乃克也。君子處之，故能興也；小人居之，遂喪邦也。」（72，下）孔穎達正義：「高宗伐鬼方以中興殷道，事同此爻，故取譬焉。高宗德實文明而勢甚衰憊，不能即勝，三年乃克（昀案：〈象〉曰：「三年克之，憊也」）。小人勿用者，勢既衰弱，君子處之，能建功立德，故興而復之；小人居之，日就危亂，必喪邦也，故曰『小人勿用』。」（72，下）是王、孔二家皆以居處義解其「用」字。唐人史徵《周易口訣義》卷六：「若小人居之，必致危亂，不可任用，故曰『小人勿用』也。」<sup>22</sup>是兼以「居處」、「任用」二義釋其「用」字，實遊移於二義之間。北宋張載《橫渠易說》卷二：「九三以陽居剛，文明而正，故用師雖久困而必克。小人用之，取亡之道也。」<sup>23</sup>「用之」即「用師」，此乃徑以「使用」義解其「用」字。近是矣。今案：〈既濟〉卦䷾離下坎上，九三為下卦離之上爻，以陽居剛，文明之象；上六為上卦坎之上爻，以陰居柔，窞險之象。九三與上六為應，故以高宗與鬼方喻之。九三以當高宗威武之君，上六以當窮北小夷。九三居下卦離之上爻，上體為互離，離為甲冑戈兵之象，故曰「高宗伐鬼方」。九三又在互坎之中，坎為幽為險，以喻國勢衰憊，因而其伐則不能速勝。以德實文明之高宗處九三之位尚不能順遂如此，若「小人」處此位自當十分收斂，無所施行。否則，將致喪亂。唐李鼎祚《周易集解》卷六十三引侯果曰：「興役動眾，聖猶疲憊，則非小人能為，故曰『小人勿用』。」<sup>24</sup>王氏之說正與之相合。

王念孫意謂若比物醜類以求之，可由〈乾〉初九之「勿用」義為「無所施行」，推尋出〈師〉上六、〈頤〉六三、〈坎〉六三、〈既濟〉九三之「勿用」皆為此義。今案：上述之外，《易》中言「勿用」者還有一些。比如：〈屯〉卦辭與〈遯〉初六爻辭之「勿用有攸往」，

<sup>21</sup> 宋·程頤撰，王鶴鳴、殷子和整理：《周易程氏傳》，頁116。

<sup>22</sup> 史徵：《周易口訣義》，頁76。

<sup>23</sup> 宋·張載：《橫渠易說》（長春：吉林出版集團有限責任公司，2005年，與《東坡易傳》合刊本），頁69，上欄。

<sup>24</sup> 李鼎祚：《周易集解》，頁571。



〈蒙〉六三爻辭與〈姤〉卦辭之「勿用取女」，〈泰〉上六爻辭之「勿用師」。今案：〈屯〉卦辭與〈遯〉初六爻辭之「勿用有攸往」，猶謂「勿有攸往」。前者意謂當屯難之時，小人道長，君子道消，君子當無所往而從事，否則易為小人侵害；後者意謂處遯逃之時，最在於後則必被執獲，不如不往以隨機應變。〈蒙〉六三爻辭與〈姤〉卦辭之「勿用取女」，猶謂「勿取女」。前者意謂女不能自保其躬，固守貞信，勿娶之也；後者意謂一女以當五男，壯健以淫，勿娶之也。〈泰〉上六爻辭「勿用師」，意謂泰道將滅，非力所能支，不可以為師。是其「勿用」雖不可徑以「無所施行」解之，然大致皆表示對於某種施行的否定，實與「無所施行」義相通，仍不是指非揲蓍之所可用也。

## 參考文獻

### 一、古籍文獻

- 魏·王弼、韓康伯注，唐·孔穎達等正義：《周易正義》，北京：中華書局，1980年。
- 唐·李鼎祚《周易集解》，北京：九州出版社，2003年。
- 宋·司馬光：《溫公易說》，收入《四庫全書》，上海：上海古籍出版社，1987年。
- 宋·李杞：《周易詳解》，收入《四庫全書》，上海：上海古籍出版社，1987年。
- 周·卜子夏：《子夏易傳》，收入《叢書集成初編》，北京：中華書局，1991年。
- 唐·史徵：《周易口訣義》，收入《叢書集成初編》，北京：中華書局，1991年。
- 宋·倪天隱：《周易口義》，長春：吉林出版集團有限責任公司，2005年。
- 宋·蘇軾：《東坡易傳》，長春：吉林出版集團有限責任公司，2005年，與《橫渠易說》合刊本。
- 宋·張載：《橫渠易說》，長春：吉林出版集團有限責任公司，2005年，與《東坡易傳》合刊本。
- 宋·程頤撰，王鶴鳴、殷子和整理：《周易程氏傳》，北京：九州出版社，2010年。
- 宋·朱震：《漢上易傳》，長春：吉林出版集團有限責任公司，2005年。
- 宋·張浚：《紫巖易傳》，收入《四庫全書》，上海：上海古籍出版社，1987年。
- 宋·朱熹：《周易本義》，長春：吉林出版集團有限責任公司，2005年。
- 宋·俞琰：《周易集說》，上海：上海古籍出版社，1990年，與《讀易舉要》合刊本。
- 元·吳澄：《易纂言》，收入《四庫全書》，上海：上海古籍出版社，1987年。
- 清·王引之：《經義述聞》，南京：江蘇古籍出版社，1985年。
- 清·陳夢雷《周易淺述》，北京：九州出版社，2004年

### 二、近人著作

- 李鏡池《周易探源》，北京：中華書局，1978年
- 馬恒君《周易正宗》，北京：華夏出版社，2004年